

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის - ნანა ციკოლიას შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს		☐
მოსამართლეობის კანდიდატი აკმაყოფილებს კეთილსინდისიერების კრიტერიუმს		☐
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს		☒
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	23	25
სამართლებრივი დასაბუთების უნარი და კომპეტენცია	23	25
წერისა და ზეპირი კომუნიკაციის უნარი	18	20
პროფესიული თვისებები	13	15
აკადემიური მიღწევები და პროფესიული წვრთნა	8	10
პროფესიული აქტივობა	3	5
ქულათა ჯამი	88	100

შემფასებელი:



ნიკოლოზ მარსაგიშვილი
თარიღი: 07.07.2025



საქართველოს იუსტიციის უმაღლესი საბჭოს მდივანი ნიკოლოზ მარსაგიშვილი

სააპელაციო და რაიონული (საქალაქო) სასამართლოების
მოსამართლეობის კანდიდატთა შესარჩევ პროცედურაში
მონაწილე კანდიდატის - **ნანა ციკოლიას** შეფასების

დასაბუთება

საქართველოს იუსტიციის უმაღლესი საბჭოს 2025 წლის 25 თებერვლის №1/23 განკარგულებით დაწყებული სააპელაციო და რაიონული (საქალაქო) სასამართლოების მოსამართლის თანამდებობაზე ასარჩევად კანდიდატის - ნანა ციკოლიას შეფასების დასაბუთების შედეგის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის 34¹-ე მუხლის მე-11 პუნქტით და 35-ე მუხლის მე-3 პუნქტით დადგენილი წესით.

1. მოსამართლეობის კანდიდატის შეფასება კეთილსინდისიერების კრიტერიუმის მიხედვით.

კეთილსინდისიერების კრიტერიუმით კანდიდატი შეფასდა „საერთო სასამართლოების შესახებ“ საქართველოს ორგანული კანონის 35¹ მუხლით დადგენილი მახასიათებლების მიხედვით.

იმის დასადგენად, თუ რამდენად აკმაყოფილებს კანდიდატი ნანა ციკოლია კეთილსინდისიერების კრიტერიუმს, დასკვნაში წარმოდგენილი და გაანალიზებულია მისი შეფასება აღნიშნული კრიტერიუმის შემდეგი მახასიათებლების მიხედვით: პიროვნული კეთილსინდისიერება და პროფესიული სინდისი; დამოუკიდებლობა, მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია.

კეთილსინდისიერების კრიტერიუმით ნანა ციკოლიას შეფასება დაეყრდნო კანდიდატის შესახებ მოძიებულ ინფორმაციას, რა დროსაც სხვადასხვა უწყებიდან მის შესახებ გამოთხოვილი იქნა შემდეგი სახის ინფორმაცია: შინაგან საქმეთა სამინისტროდან და ქ. თბილისის მუნიციპალიტეტის ტრანსპორტისა და ურბანული განვითარების სააგენტოდან - მონაცემები ადმინისტრაციული სამართალდარღვევების შესახებ; სს „კრედიტ-ინფო საქართველოდან“ - სრული პერსონალური საკრედიტო ინფორმაცია; ფინანსთა სამინისტროს შემოსავლების სამსახურიდან - ცნობა შემოსავლების შესახებ; ანტიკორუფციული ბიუროდან - ქონებრივი მდგომარეობის შესახებ დეკლარაცია; კანდიდატის სამუშაო ადგილიდან - ინფორმაცია დისციპლინური სამართალწარმოების შესახებ. ნანა

ციკოლიას დახასიათების მიზნით, მასთან სამსახურებრივ და პირად ურთიერთობაში მყოფი პირებისგან მიღებულ იქნა სპეციალური ფორმის მიხედვით შევსებული რეკომენდაციები და კითხვარები.

გარდა აღნიშნულისა, ნანა ციკოლიას შეფასებისას გათვალისწინებულ იქნა მის მიერ შევსებულ განაცხადში მითითებული ინფორმაცია და საჯარო მოსმენის დროს კანდიდატის მხრიდან გამოვლენილი თვისებები.

პიროვნული კეთილსინდისიერებისა და პროფესიული სინდისის მახასიათებლის თაობაზე, ზემოაღნიშნულ ინფორმაციაზე დაყრდნობით, კანდიდატთან დაკავშირებით შეიძლება ითქვას, რომ რეკომენდატორები და სხვა გამოკითხული პირები კანდიდატს დადებითად ახასიათებენ. კერძოდ, გამოარჩევენ მის გულწრფელობას, თავმდაბლობას, შრომისმოყვარეობას და სხვა პოზიტიურ თვისებებს. გამოკითხული რესპოდენტები მიუთითებენ, რომ კანდიდატი სრულად აკმაყოფილებს კეთილსინდისიერების კრიტერიუმს.

ნანა ციკოლიას გააჩნია პასუხისმგებლობისა და მოვალეობების მაღალი შეგნება და სამსახურებრივ თუ სხვა სახის მოვალეობებს, მათ შორის, ფინანსურ ვალდებულებებს ასრულებს ჯეროვნად. ადმინისტრაციულ სამართალდარღვევებთან დაკავშირებით დაკისრებული ჯარიმები ნანა ციკოლიას გადახდილი აქვს დროულად.

დამოუკიდებლობის, მიუკერძოებლობისა და სამართლიანობის მახასიათებელს რაც შეეხება, გამოკითხული რეკომენდატორები კანდიდატს აფასებენ, როგორც პრინციპებისადმი ერთგულ პიროვნებას. აღნიშნავენ, რომ მას სრულად აქვს გაცნობიერებული მოსამართლის როლი და მაღალი დანიშნულება.

რაც შეეხება, კანდიდატის პოლიტიკურ ან სხვა ნიშნით მიუკერძოებლობის საკითხს, ნანა ციკოლია 2009-2012 წლებში იყო პოლიტიკური პარტია „საქართველოს დემოკრატიული პარტიის“ პოლიტიკური საბჭოს წევრი. კანდიდატმა 2012 წლის 20 დეკემბერს პირადი განცხადების საფუძველზე დატოვა პოლიტიკური პარტია „საქართველოს დემოკრატიული პარტიის“ რიგები. საჯარო მოსმენაზე მისი მხრიდან არ გამოვლინდა პოლიტიკური ან სხვაგვარი მიკერძოებულობის ნიშნები.

პიროვნული და პროფესიული ქცევის მახასიათებელთან დაკავშირებით აღსანიშნავია, რომ ნანა ციკოლია გაწონასწორებულია და მართავს საკუთარ ემოციებს. კანდიდატის მოსმენის შედეგად დამრჩა შთაბეჭდილება, რომ იგი არის მოტივირებული, კორექტული და თავაზიანი. ამასთან, კანდიდატის წინააღმდეგ დისციპლინური ღეგნა ან/და სისხლისსამართლებრივი წარმოება არ დაწყებულა. გენერალური პროკურატურის მიერ მოწოდებული ინფორმაციით ირკვევა, რომ კანდიდატი დაზარალებულად ცნობილი არ ყოფილა. ამასთანავე, საქართველოს საერთო სასამართლოებში წარმოებულ დავებშიც მისი მხარედ მონაწილეობის თაობაზე ინფორმაცია ელექტრონული საქმისწარმოების საძიებო სისტემაში არ იძებნება.

პიროვნული და პროფესიული რეპუტაციის მახასიათებლის მიხედვით, კანდიდატის პიროვნულ თვისებებს, ისევე როგორც მის პროფესიულ მიღწევებს, რეკომენდატორები და გამოკითხული პირები აფასებენ დადებითად. ამასთან, საქართველოს იუსტიციის უმაღლესი საბჭოს საზოგადოებასთან და მედიასთან ურთიერთობის სამსახურის მიერ

მოწოდებული ინფორმაციის თანახმად, კანდიდატ ნანა ციკოლიას შესახებ ინფორმაცია არ იძებნება ინტერნეტ სივრცეში. იურიდიულ წრეებთან ურთიერთობის ხასიათთან და ხარისხთან დაკავშირებით უნდა ითქვას, რომ ნანა ციკოლია მონაწილეობდა მართლმსაჯულების საკითხებზე გამართულ ღონისძიებებში.

ყოველივე ზემოაღნიშნულის და თითოეული მახასიათებლის გაანალიზების შედეგად, ვინაიდან არ გამოიკვეთა გარემოება, რაც ეჭვქვეშ დააყენებდა კანდიდატის კეთილსინდისიერების საკითხს, კეთილსინდისიერების კრიტერიუმის ოთხივე მახასიათებლით შემოწმებისას კანდიდატი შევაფასე სრულად დადებითად და მიმაჩნია, რომ „საერთო სასამართლოების შესახებ“ საქართველოს ორგანული კანონის 35¹ მუხლის მე-15 პუნქტის „გ“ ქვეპუნქტის შესაბამისად, **ნანა ციკოლია სრულად აკმაყოფილებს კეთილსინდისიერების კრიტერიუმს.**

2. მოსამართლეობის კანდიდატის შეფასება კომპეტენტურობის კრიტერიუმის მახასიათებლების მიხედვით:

სააპელაციო და რაიონული (საქალაქო) სასამართლოების მოსამართლის შესარჩევ კონკურსში მონაწილე კანდიდატი ნანა ციკოლია კომპეტენტურობის კრიტერიუმის მიხედვით შეფასდა „საერთო სასამართლოების შესახებ“ საქართველოს ორგანული კანონის 35¹ მუხლის მე-16 პუნქტით დადგენილი წესით. კერძოდ,

კომპეტენტურობის კრიტერიუმის საფუძველზე ნანა ციკოლიას შეფასებისას მხედველობაში მივიღე აღნიშნული კრიტერიუმის თითოეული მახასიათებელი: სამართლებრივი ნორმების ცოდნა; სამართლებრივი დასაბუთების უნარი და კომპეტენცია; წერისა და ზეპირი კომუნიკაციის უნარი; პროფესიული თვისებები; აკადემიური მიღწევები და პროფესიული წვრთნა; პროფესიული აქტივობა. აღსანიშნავია, რომ კომპეტენტურობის კრიტერიუმით კანდიდატის შეფასება დაეყრდნო კანდიდატის შესახებ მოძიებულ და იუსტიციის უმაღლესი სკოლის მიერ წარმოდგენილ ინფორმაციას, ასევე - საჯარო მოსმენის შედეგად შექმნილ შთაბეჭდილებას.

სამართლებრივი ნორმების ცოდნის მახასიათებლის მიხედვით შეფასებისას გავითვალისწინე შემდეგი ინფორმაცია: ნანა ციკოლია არის იუსტიციის უმაღლესი სკოლის XVIII ჯგუფის მსმენელი. მოსამართლის საკვალიფიკაციო გამოცდაში მიღებული ქულებია - 77/16; რიგითი ნომერი ჯგუფის საკვალიფიკაციო სიაში - 4. იუსტიციის უმაღლესი სკოლის დამოუკიდებელი საბჭოს შეფასებით, „ნანა ციკოლიამ წარმატებით გაიარა თეორიული სწავლების, სტაჟირების და სემინარული მუშაობის ეტაპები, წარმატებით ჩააბარა სკოლის დამამთავრებელი გამოცდა. სტაჟირებაში მიიღო უმაღლესი ქულა და სკოლის დამამთავრებელ გამოცდაში - 94 ქულა...

სამოქალაქო სამართალი - ნანა ციკოლია ყოველთვის სიღრმისეულად, თეორიისა და პრაქტიკის ურთიერთმიმართების განზოგადების ჭრილში სწავლობდა და იკვლევდა როგორც პროცესუალურ, ასევე მატერიალურ-სამართლებრივ საკითხებს. მიუხედავად იმისა, რომ მისი საგამოცდო მიმართულება სისხლის სამართალში იყო, სამოქალაქო დავათა განხილვის პროცესშიც მსმენელმა წარმოაჩინა სწორი სამართლებრივი არგუმენტების მოძიების, მათი ერთმანეთთან სწორად დაკავშირებისა და შესაბამისი დასკვნის გამოტანის უნარ-ჩვევები.

ადმინისტრაციულ სამართალი - ნანა ციკოლიას აქვს კარგი თეორიული ცოდნა, რასაც სათანადოდ იყენებს პრაქტიკაში. შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნის გამოტანა. მის მიერ მომზადებული გადაწყვეტილებების პროექტები დასაბუთებულია. ამასთან, სამომავლოდ, მან უნდა განავითაროს აკადემიური წერის კულტურა.

სისხლის სამართალი - ნანა ციკოლია მიღებულ თეორიულ ცოდნას სათანადოდ იყენებს პრაქტიკაში. აქვს სამართლებრივი ანალიზისა და დახვეწილი სამართლებრივი მსჯელობის კარგი უნარები. შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნების გამოტანა. მის მიერ მომზადებული გადაწყვეტილებების პროექტები სწორად და თანმიმდევრულად არის ჩამოყალიბებული. რეკომენდებულია მან იმუშაოს სემინარული მუშაობისას დაშვებული მცირე შეცდომების გამოსწორებაზე და წერილობითი უნარების უფრო მეტად განვითარებაზე.

იუსტიციის უმაღლესი საბჭოს მიერ კანდიდატების შესახებ მოძიებული ინფორმაციის შესწავლის შემდეგ, 2025 წლის 3 ივლისს ნანა ციკოლიასთან გაიმართა საჯარო მოსმენა, რა დროსაც იუსტიციის უმაღლესი საბჭოს წევრებმა კანდიდატს დაუსვეს ზოგადი და კონკრეტული სამართლებრივი ხასიათის შეკითხვები.

საჯარო მოსმენის შედეგად შემექმნა შთაბეჭდილება, რომ ნანა ციკოლია კარგად ფლობს საქართველოს სისხლის სამართლის როგორც მატერიალურ, ისე საპროცესო სამართლის თეორიულ საფუძვლებს. მანვე წარმატებით გაართვა თავი კონსტიტუციურ და საერთაშორისო სამართლებრივ საკითხებზე დასმულ შეკითხვებს. აღსანიშნავია, რომ კანდიდატს ჩაბარებული აქვს მოსამართლეობის საკვალიფიკაციო გამოცდა სისხლის სამართლის სპეციალიზაციით. კანდიდატი ასევე ეცნობა ადამიანის უფლებათა ევროპული სასამართლოს გადაწყვეტილებებს.

ვფიქრობ, რომ კანდიდატმა დასმულ შეკითხვებზე ძირითადად გასცა კვალიფიციური პასუხები, თითოეულ საკითხზე მისი მსჯელობა იყო არგუმენტირებული.

კანდიდატის სამართლებრივი დასაბუთების უნართან და კომპეტენციასთან დაკავშირებით შეიძლება ითქვას, რომ ნანა ციკოლიას აქვს ხანგრძლივი პროფესიული გამოცდილება. ამასთან, არის იუსტიციის უმაღლესი სკოლის კურსდამთავრებული.

იუსტიციის უმაღლესი სკოლის დამოუკიდებელი საბჭოს შეფასებით, ნანა ციკოლია თავის გადაწყვეტილებებში არის დამაჯერებელი. მისი დასაბუთებები ლოგიკური და გასაგებია, ასევე, აქვს უნარი საქმის ფაქტობრივი გარემოებებიდან გამოყოს მნიშვნელოვანი საკითხები, გაიაზროს სამართლებრივი პრობლემები. იგი ძალიან გაწონასწორებული და გონებაგახსნილი ადამიანია, ახალ ინფორმაციას და მასალას ძალიან ადვილად ითვისებს და აანალიზებს. ასევე, კანდიდატთან პირად თუ სამსახურებრივ ურთიერთობაში მყოფი რეკომენდატორების ინფორმაციით, ნანა ციკოლიას გააჩნია სამართლებრივი დასაბუთების კარგი უნარი და კომპეტენციის მაღალი დონე, რასაც სათანადოდ იყენებს პრაქტიკაში.

ზემოთ მითითებულის და საჯარო მოსმენის შედეგის გათვალისწინებით, ვფიქრობ, რომ კანდიდატის მსჯელობა სამართლის პრაქტიკული და თეორიული საკითხების გარშემო

კვალიფიციური და დამაჯერებელია. კანდიდატის მიერ ჩამოყალიბებული მოსაზრებები - არგუმენტირებული და დასაბუთებული.

წერისა და ზეპირი კომუნიკაციის უნართან დაკავშირებით უნდა აღინიშნოს იუსტიციის უმაღლესი სკოლის დამოუკიდებელი საბჭოს შეფასება, რომლის მიხედვითაც „ნანა ციკოლია, პროექტების წერისას საქმის გარემოებებს აფასებდა სწორად, გამართულად აყალიბებდა აზრს, თუმცა შეინიშნებოდა პუნქტუაციური და სტილისტური შეცდომები. ნანა ციკოლია, ლაკონიურად და გასაგებად გადმოსცემს აზრს. შეუძლია მსჯელობა გასაგები ენით გადმოსცეს და მხოლოდ მნიშვნელოვანზე გაამახვილოს ყურადღება. აზრის გამოხატვის, კამათისა თუ დისკუსიის დროს არის დამაჯერებელი, ეთიკური და არაგადაჭარბებული“.

გამოკითხული რეკომენდატორები მიუთითებენ, რომ ნანა ციკოლია აზრს ნათლად და გასაგებად გადმოსცემს, შეუძლია სხვისი, მათ შორის, განსხვავებული აზრის მოსმენა. გამოკითხული რესპოდენტები კომპეტენტურობის კრიტერიუმის მითითებულ მახასიათებელში პოზიტიურად აფასებენ კანდიდატს.

ამდენად, მიმაჩნია, რომ კანდიდატს შეუძლია აზრის დამაჯერებლად, კვალიფიციურად და ლოგიკურად გადმოცემა, როგორც წერილობით, ისე ზეპირი კომუნიკაციისას. საჯარო მოსმენაზე კანდიდატი ლოგიკურად და არგუმენტირებულად გადმოსცემდა საკუთარ შეხედულებებს. მას გააჩნია სხვისი აზრის მოთმინებით მოსმენის და საკუთარი აზრის არგუმენტირებულად დაცვის უნარი.

პროფესიული თვისებებთან დაკავშირებით კი უნდა აღინიშნოს, რომ ნანა ციკოლია გამოირჩევა გამართული მეტყველების უნართა და სხვისი აზრის მოთმინებით მოსმენის თვისებით. როგორც უკვე აღვნიშნე, კანდიდატმა საჯარო მოსმენაზე არგუმენტირებულად და დასაბუთებულად იმსჯელა სხვადასხვა საკითხზე.

აკადემიური მიღწევები და პროფესიული წვრთნის მახასიათებელთან დაკავშირებით აღსანიშნავია, რომ კანდიდატი ნანა ციკოლია მუდმივად ღიაა სიახლეების მიმართ, იგი ზრუნავს თვითგანვითარებაზე, მონაწილეობს პროფესიული წვრთნის პროგრამებში, შეძენილ ცოდნას და უნარებს იყენებს პრაქტიკულ საქმიანობაში.

ნანა ციკოლიას ჩაბარებული აქვს მოსამართლეობის საკვალიფიკაციო გამოცდა სისხლის სამართლის სპეციალიზაციით; ასევე ჩაბარებული აქვს ადვოკატთა ტესტირება სისხლის სამართლის სპეციალიზაციით; 2008 წელს მიღებული აქვს საქართველოს საარჩევნო ადმინისტრაციის მოხელის სერთიფიკატი. იგი არის საქართველოს იუსტიციის უმაღლესი სკოლის კურსდამთავრებული.

პროფესიული აქტივობის მახასიათებლის მიხედვით კანდიდატის შეფასებისას მხედველობაში მივიღე, რომ ნანა ციკოლიას აქვს თვითგანვითარების, ახალი ცოდნისა და უნარების შეძენის ინტერესი, მიღებულ ცოდნას კი წარმატებით იყენებს პრაქტიკაში. კანდიდატს ჩაბარებული აქვს ადვოკატთა და მოსამართლის საკვალიფიკაციო გამოცდები. ასევე მიღებული აქვს საქართველოს საარჩევნო ადმინისტრაციის მოხელის სერთიფიკატი.

კანდიდატს მონაწილეობა აქვს მიღებული სემინარსა და სამუშაო შეხვედრაში, მათ შორის, მონაწილეობა მიიღო შემდეგ სემინარებსა და სამუშაო შეხვედრებში: 2008 წლის 7 მაისი - ტრენინგი საარჩევნო კანონმდებლობის საკითხებზე - ამერიკის იურისტთა ასოციაცია, კანონის უზენაესობის ინიციატივის პროექტი; 2010 - 2011 წლები, ლიდერ ქალთა პროგრამა - ეროვნულ-დემოკრატიული ინსტიტუტი (NDI); 2009 - 2010 წლები - პოლიტიკური პარტიების მხარდაჭერის პროგრამა - ბრიტანეთის საელჩო თბილისში და საქართველოს სტრატეგიული და საერთაშორისო კვლევების ფონდი (GFSIS).

ამდენად, **კომპეტენტურობის კრიტერიუმის** თითოეულ მახასიათებელთან მიმართებით კანდიდატის შეფასებისას გათვალისწინებულ იქნა მისი ცოდნა, კომპეტენცია, გამოცდილება, პროფესიული თვისებები, უნარ-ჩვევები და სხვა მნიშვნელოვანი მახასიათებლები. აღნიშნული ინფორმაციის შეჯერებისა და შეფასების საფუძველზე კი დადგინდა, რომ ნანა ციკოლიას მიერ დაგროვილ ქულათა ჯამი მაქსიმალური 100 ქულიდან შეადგენს **88** ქულას.

შემფასებელი:



ნიკოლოზ მარსაგიშვილი
თარიღი: 07.07.2025